

Artickel des andern thails der

Oder so das fürwarten so fürsezlich/ vnd ein höhere vermitt-
lung/ als ein gemeine Kumorzachen / auff im trüg / so soll gegen
dem Thäter nach gelegenheit seiner verbrechung/ rechtlich gehan-
delt werden.

XV.

Vom verlorren Vich vnd an- dern Gütern.

Dem so in einem Gericht/ ein verlorren Vich oder ander faren-
de Güter / auff dem Land außserhalb des Dachtrápffs ge-
funden / oder sonst durch was schein es kompt / offenbár
wurd/ dasselb soll das Landtgericht zuhanden bringen/ vnnnd solli-
chen fund von stundan bey den Kirchen / drey Sontag nacheinan-
der/ offenlich verkünden/ vnd dem finder / wo Er dem Gericht sol-
lich Güt vnbegert zubringt/ nach gestalt desselben Gúts ein gebür-
lichs dauon erfolgen lassen/ vnnnd so der verlustig mit glaubwürdi-
gen schein weiflich macht/ das ime dasselb zugehört/ vnnnd dem Ge-
richt 72. pfenning / sampt was demselben Gericht zueroberung
desselben gefunden Gúts außserlossen/ bezalt / Alsdann ist das Ge-
richt schuldig/ sollich Güt dem eygenthumber/ ohn ferzer beschwá-
rung folgen zulassen / vnd ob schon Gelt oder dergleichen Güter/
durch yemandts on gefáhr gefunden wurde/ der solle das dem Ge-
richt/ darinn solliches gefunden wurt zubringen / dasselb Gericht
soll sollichen fund/ auch drey Sontag nacheinander/ auff der Can-
gel verkünden lassen/ vnd fürter Jar vnnnd Tag vnuerkúmmert be-
halten/ ob nun mitler zeyt yemandt kám vnnnd beweiflich darthet/
das ime das gefunden Gelt oder Güt zugehört/ dem soll es/ wie ob-
steht/ zugestellt werden / wellicher aber dem Gericht vnnnd Obzig-
kait/ in einem Monat nechst nach beschehnem fund / solliches nicht
offenbaret vnnnd glaubwürdig erfunden wurd / der soll derhalb
nach gestalt der sachen/ am Leyb / wie Recht / gestrafft werden/
Gleicher weif soll es durch die Grundtheren/ im fall/ was für ver-
lorren Güt/ auff iren gründten vnd dem Dachtrápff gefunden wurd/
auch wie obsteht gehandelt werden.

Wo aber yemandt sein Kof oder ander Vich entlaufft / vnd der
verlustig dasselb nicht ersragen kan / vnd für ein verlorren Güt acht/
vnd